



অবিলম্বে প্রকাশের উদ্দেশ্যে: 8/29/2023

গভর্নর ক্যাথি হোকল

নতুন ভ্যারিয়েন্টের প্রতিবেদন আসার পর, গভর্নর হোকল কোভিড-19 থেকে নিউ ইয়র্কবাসীকে সুরক্ষিত রাখতে নতুন পদক্ষেপ ঘোষণা করলেন, যেহেতু গ্রীষ্মকালে হাসপাতালে ভর্তির সংখ্যা বৃদ্ধি পাচ্ছে

বিশ্ববিখ্যাত ওয়াডসওয়ার্থ ল্যাব নতুন BA.2.86 ভ্যারিয়েন্টের নমুনা পর্যবেক্ষণ করছে, যা এখন পর্যন্ত নিউ ইয়র্ক স্টেটে সনাক্ত করা যায়নি

নার্সিং হোম সেবাদানকারীদেরকে বাসিন্দাদের সুরক্ষিত রাখতে তাদের দায়িত্বের কথা মনে করিয়ে দিতে স্বাস্থ্য বিভাগ তাদের সাথে যোগাযোগ করেছে

স্টেট ও কাউন্টি কর্মকর্তাদের জন্য অনুরোধের ভিত্তিতে উচ্চমানের N-95 মাস্ক এবং টেস্ট কীট উপলভ্য করা স্টেট অব্যাহত রেখেছে

সকল নিউ ইয়র্কবাসীকে, বিশেষ করে উচ্চ ঝুঁকিসম্পন্ন গোষ্ঠীকে, এই ফল মৌসুমে আসন্ন হালনাগাদ করা কোভিড-19 টিকা সম্পর্কে তাদের প্রাথমিক সেবার চিকিৎসকের সাথে কথা বলার জন্য উৎসাহিত করা হচ্ছে

গভর্নর ক্যাথি হোকল আজকে ঘোষণা করলেন যে একটি নতুন ভ্যারিয়েন্ট, BA.2.86 এর প্রতিবেদন পাওয়ার পর কোভিড-19 থেকে ব্যক্তিদের সুরক্ষিত রাখার জন্য নিউ ইয়র্ক স্টেট নতুন পদক্ষেপ গ্রহণ করেছে। গ্রীষ্মকাল ছলাকলায় নিউ ইয়র্কে কোভিড-19 আক্রান্তদের হাসপাতালে ভর্তি বৃদ্ধি পাওয়ার পর এই পদক্ষেপ গৃহীত হলো। স্মরণ করিয়ে দেওয়া হচ্ছে যে, বিশেষ ভ্যারিয়েন্টের বিরুদ্ধে সুরক্ষা দানের জন্য তৈরি [হালনাগাদকৃত একটি কোভিড-19 টিকা](#) এই ফল মওসুমে ফার্মেসি এবং চিকিৎসকের অফিসে উপলভ্য হওয়ার কথা রয়েছে।

"যদিও নিউ ইয়র্কবাসীরা কোভিড-19 শেষ করতে চায়, কোভিড-19 এর শেষ হওয়ার কোনও ইচ্ছা নেই," **গভর্নর হোকল বলেন।** "এই গ্রীষ্মকালে হাসপাতালে ভর্তি এবং আক্রান্তের সংখ্যা বৃদ্ধি পাওয়ার কারণে, নিজেদের ও নিজেদের সম্প্রদায়কে সুরক্ষিত রাখার জন্য যথাযথ সতর্কতা অবলম্বন করতে আমি সকলকে দৃঢ়ভাবে তাগিদ প্রদান করছি। নিউ ইয়র্কবাসীকে নিরাপদ রাখতে, আমার প্রশাসন এই পরিস্থিতির পর্যবেক্ষণ অব্যাহত রাখবে, নতুন বুস্টার উপলভ্য হওয়ার পর যত দ্রুত সম্ভব তার তথ্য প্রদান করবে, এবং স্টেটব্যাপী N-95 মাস্ক উপলভ্য করা অব্যাহত রাখবে।"

এর আগে এই বছরে, খাদ্য ও ওষুধ প্রশাসন (Food and Drug Administration, FDA) টিকা প্রস্তুতকারকদেরকে [ওমিক্রন ভ্যারিয়েন্টের জন্য অতীষ্ট](#) নতুন কোভিড-19 টিকা তৈরি করার পরামর্শ প্রদান করে। 2023 সালের সেপ্টেম্বর মাসে প্রধান তিনটি কোভিড-19 টিকা উৎপাদক নতুন টিকা উপলভ্য করবে বলে আশা করা যাচ্ছে। হালনাগাদকৃত কোভিড-19 টিকা গ্রহণ সুপারিশ সম্পর্কে তথ্যের জন্য ঘনঘন [রোগ নিয়ন্ত্রণ ও প্রতিরোধ কেন্দ্রসমূহ \(Centers for Disease Control and Prevention, CDC\)](#) এবং [নিউ ইয়র্ক স্টেট স্বাস্থ্য বিভাগের \(New York State Department of Health, DOH\)](#) ওয়েবসাইট পর্যবেক্ষণ করার জন্য গভর্নর হোকল নিউ ইয়র্কবাসীকে উৎসাহিত করেছেন।

সকল নিউ ইয়র্কবাসীকে সুরক্ষিত রাখার জন্য, DOH এবং ওয়াডসওয়ার্থ সেন্টার, কোভিড-19 এর কারণ যে ভাইরাস, সার্স-কোভ-2 (SARS-CoV-2) এর জন্য [পর্যবেক্ষণ](#) এবং বিশ্লেষণ অব্যাহত রেখেছে, যেহেতু নতুন স্ট্রাইনের খবর আসছে। সিরাকিউজ ইউনিভার্সিটিতে (Syracuse University) এবং স্টেটজুড়ে অংশীদারদের সাথে একত্রে করা বর্জ্যপানির নজরদারি এবং গবেষণাগারের ক্লিনিক্যাল বিশ্লেষণের চলমান দ্বৈত নজরদারি কৌশলটি ভ্যারিয়েন্টের বিস্তার এবং জনস্বাস্থ্যে তার সম্ভাব্য প্রভাব সম্পর্কে বুঝতে নিউ ইয়র্ক স্টেটের সক্ষমতার জন্য অত্যাবশ্যকীয় হিসেবে প্রমাণিত হয়েছে। নতুন BA.2.86 ভ্যারিয়েন্ট সনাক্ত করার সাড়াদান হিসেবে, ওয়াডসওয়ার্থ সেন্টার (Wadsworth Center) অবিলম্বে নিউ ইয়র্ক স্টেটে দ্রুত সনাক্ত করার প্রয়াস বর্ধিত করেছে। সিরাকিউজ ইউনিভার্সিটির সহযোগীদের সাথে একত্রিত হয়ে, বিশ্লেষণ করা গত ছয় মাসের বর্জ্যপানির ডেটা অনুসন্ধান করে নিশ্চিত করেছে যে নিউ ইয়র্কে নতুন স্ট্রাইন সনাক্ত করা যায়নি। ভ্যারিয়েন্টের জন্য পর্যবেক্ষণে সাহায্য করার জন্য নতুন বর্জ্যপানির নমুনায় এই প্রক্রিয়া অব্যাহত থাকবে। পাশাপাশি, স্টেটে BA.2.86 প্রবেশ করলে তা সনাক্ত করার সুযোগ বৃদ্ধি করতে বিশ্লেষণের জন্য জমাকৃত ক্লিনিক্যাল কোভিড নমুনার মোট সংগ্রহ বিস্তৃত করার জন্য ওয়াডসওয়ার্থ সেন্টার স্টেটব্যাপী বহুসংখ্যক স্বাস্থ্যসেবা পেশাদারের সাথে সমন্বয় করছে এবং গবেষণাগারের সাথে সহযোগিতামূলক কাজ করছে।

**স্টেটের স্বাস্থ্য কমিশনার ডাঃ জেমস ম্যাকডোনাল্ড বলেন,** "আমাদের জনস্বাস্থ্যকে আরো ঝুঁকিগ্রস্ত করতে পারে এমন বাইরের পরিবর্তনের ব্যাপারে স্বাস্থ্য বিভাগ সতর্ক রয়েছে। নতুন স্ট্রাইনের আগমনের কারণে আমরা পর্যবেক্ষণ অব্যাহত রেখেছি, যেখানে বিশেষ করে BA.2.86 এর উপর মনোযোগ দেওয়া হচ্ছে, এটি মূল ওমিক্রন ভ্যারিয়েন্টের পর আসা জিনগতভাবে সর্বাধিক ব্যতিক্রম একটি স্ট্রাইন। এইসব উল্লেখযোগ্য পরিবর্তন খেয়াল করা গুরুত্বপূর্ণ যেহেতু মিউটেশনের কারণে ভাইরাস পূর্ববর্তী রোগ প্রতিরোধ ক্ষমতাকে পরাস্ত করতে পারে। মনে রাখবেন যে, কোভিড এখন একটি চিকিৎসায়োগ্য ব্যাধি এবং এর পরীক্ষা সহজ এবং অত্যন্ত নির্ভুল। লক্ষণ দেখা দেওয়ার পাঁচ দিনের মধ্যে শুরু করা হলে প্যাক্সলোভিডের মতো অ্যান্টিভাইরাল সর্বাধিক কার্যকর।"

যেহেতু পরবর্তী শিক্ষাবর্ষের জন্য শিক্ষার্থীরা স্কুলে ফেরত আসা শুরু করেছে, তাই স্কুলগুলিকে কোভিড-19 প্রতিরোধ সম্পর্কে বর্তমান [CDC স্কুল নির্দেশনা](#) পর্যালোচনা করার জন্য এবং কার্যকর ও সম্ভব জনস্বাস্থ্য ব্যবস্থা গ্রহণ করার জন্য নিজেদের স্থানীয় স্বাস্থ্য বিভাগের সাথে কাজ করার জন্য গভর্নর হোকল এবং DOH সুপারিশ করছে।

কোভিড-19 বিস্তার প্রতিরোধ করার জন্য, CDC স্কুলের জন্য সুপারিশ করছে:

- টিকা এবং পরীক্ষার প্রচার করা;
- অসুস্থ হলে এবং লক্ষণ প্রদর্শন করলে শিক্ষার্থী, শিক্ষক, এবং অনুষদকে বাড়িতে থাকার জন্য উৎসাহিত করা;
- ভেন্টিলেশনের সেবা ব্যবস্থা করা এবং অভ্যন্তরীণ বাতাসের মান উন্নত রাখা যাতে বাতাসের মাধ্যমে জীবাণু এবং সংক্রামকের বিস্তারের ঝুঁকি হ্রাস করা যেতে পারে; এবং
- যথাযথ হাত ধোয়া এবং পরিচ্ছন্নতার অনুশীলন সম্পর্কে শিক্ষাদান ও প্রয়োগ করা।

প্রাদুর্ভাব দেখা দেওয়া স্কুলের উচিত সময়মত প্রাদুর্ভাব সাড়াদান সমর্থনের জন্য তাদের স্থানীয় স্বাস্থ্য বিভাগের সাথে কাজ করা। স্কুলের জন্য আরো নির্দেশনা [এখানে](#) পাওয়া যাবে।

কোভিড-19 এর লক্ষণ থাকা সকল ব্যক্তির অবিলম্বে পরীক্ষা করানো উচিত। পরীক্ষার ফল পজিটিভ আসলে, একজন স্বাস্থ্য সেবাদানকারীর সাথে চিকিৎসার ব্যাপারে পরামর্শ করুন, যেহেতু সর্বোচ্চ কার্যকারিতা নিশ্চিত করার জন্য লক্ষণ দেখা দেওয়ার পর দ্রুত চিকিৎসা শুরু করা গুরুত্বপূর্ণ। যেইসব ব্যক্তির নিয়মিত স্বাস্থ্য সেবাদানকারী নেই তারা চিকিৎসার জন্য অবস্থান [এখানে](#) খুঁজে নিতে পারবে। কোভিড-19 আক্রান্তদের উচিত অন্যদের প্রতি সংক্রমণ এড়াতে CDC নির্দেশনা অনুসরণ করা, যার মধ্যে রয়েছে লক্ষণ শুরু হওয়ার পর 5 দিন বিচ্ছিন্ন থাকা এবং সেই সাথে মাস্ক পরিধান করা এবং নেতিবাচক ফলাফলের উচ্চতর ঝুঁকি থাকা ব্যক্তিদের সংস্পর্শ না যাওয়া।

স্টেটব্যাপী অনেক স্থানীয় ফার্মেসিতে বাড়িতে করার পরীক্ষা পাওয়া যাচ্ছে, এবং স্টেট ও কাউন্টি কর্মকর্তাদের জন্য অনুরোধের ভিত্তিতে উচ্চমানের N-95 মাস্ক এবং টেস্ট কীট উপলভ্য করা নিউ ইয়র্ক অব্যাহত রেখেছে। আরো তথ্যের জন্য নিউ ইয়র্কবাসীদেরকে নিজ নিজ [কাউন্টি স্বাস্থ্য বিভাগ](#) বা [স্থানীয় জরুরি ব্যবস্থাপনা অফিসের](#) সাথে যোগাযোগ করা উচিত।

[নিউ ইয়র্ক স্টেট স্বাস্থ্য বিভাগ](#) সম্প্রতি স্টেটব্যাপী নার্সিং হোম সেবাদানকারীদেরকে গত কয়েক সপ্তাহের প্রতিবেদন অনুযায়ী কোভিড-19 সংক্রমণ বৃদ্ধি সম্পর্কে সতর্ক করে দিতে, এবং দুর্বল জনগোষ্ঠীর মধ্যে সংক্রমণ হ্রাস করতে সাহায্য করার জন্য কী ব্যবস্থা গ্রহণ করা সম্ভব তা মনে করিয়ে দিতে তাদের সাথে যোগাযোগ করেছে।

এখনো টিকা গ্রহণ করেনি বা বুস্টার ডোজের ক্ষেত্রে পিছিয়ে থাকা ব্যক্তির [এখানে](#) বর্তমান কোভিড-19 টিকা সাইট খুঁজে নিতে পারবে।

###

আরো সংবাদ এখানে পাওয়া যাবে: [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418